

Kesejahteraan Dan Kerugian Menurut Al-Qur'an

PROF. MADYA DR. KAMAL HASSAN

“*Sesungguhnya jika kamu bersyukur, pasti akan menambah nikmat kepadamu*”



Dr. Kamal Hassan.

SELARAS dengan pandangan hidup Al-Qur'an bahawa hidup manusia di dunia ialah satu masa ujian (*bala' ibtila'*) daripada Allah, (Al-Qur'an, 68:17; 7:168; 47:31; 21:35; 2:155; 47:31; 18:7; 5:48; 11; 7; 67:2; 5:94; 3:186; 8:17; 89:15). maka Allah telah menetapkan metodologi yang tertentu untuk mencapai *Al-Falah* dan mengelakkan daripada *Al-Khusran* dalam kehidupan di dunia dan di akhirat.. metodologi itu, secara ringkas, ialah penterapan nilai-nilai *Iman, taqwa, dhikrullah, amal salih, al-amr bi'l-ma'ruf wa'n-nahyu'an al-munkar, shukr dan jihad fi sabil Allah* dalam semua kegiatan manusia — ekonomi, politik, sosial dan budaya. Bila metodologi ini

dipatuhi dalam setiap usaha pembangunan masyarakat, maka Allah pun akan menolong mewujudkan keadaan *Al-Falah* itu. Sebaliknya, jika metodologi ini tidak dipatuhi atau dicerobohi maka *Al-Khusran* akan berlaku, dengan izin Allah, pada masa yang sesuai dan dalam bentuk-bentuk yang tertentu. Di dalam Al-Qur'an terdapat banyak sekali ayat-ayat yang menunjukkan kesan-kesan positif dari keredhaan Allah (*ridhwan Allah*) dan kesan-kesan negatif dari kemurkaan Allah (*ghadab Allah*) di dalam kehidupan dunia. Ini disebabkan oleh keingkaran manusia mematuhi metodologi-metodologi yang telah ditetapkan oleh Allah demi kesejahteraan manusia akibat daripada keterikatan mereka dengan metodologi-metodologi yang diberikan oleh ahli-ahli sains sosial Barat. Esensi daripada peranan Allah itu dilihat daripada tiga ayat berikut yang bermaksud:—

“Jikalau sekiranya penduduk kota-kota itu beriman dan bertakwa, pastilah Kami akan melimpahkan kepada mereka keberkatan dari langit dan bumi, tetapi mereka mendustakan (ayat-ayat Kami) itu, maka Kami siksa mereka kerana apa yang telah mereka lakukan”.

(Al-Qur'an, 7:96)

2. “Dan (ingatlah juga), tatkala

Tuhanmu memaklumkan:

“Sesungguhnya jika kamu bersyukur, pasti Kami akan menambah nikmat kepadamu dan jika kamu mengingkari (nikmat Ku), maka sesungguhnya azabKu sangat pedih”.

(Al-Qur'an, 14:7)

3. “Dan barangsiapa berpaling dari peringatanKu, maka sesungguhnya baginya penghidupan yang sempit (menyulitkan), dan Kami akan menghimpunkannya pada hari Kiamat dalam keadaan buta”.

(Al-Qur'an, 20:124)

Di dalam sistem-sistem sosial, ekonomi, budaya dan politik yang berteraskan faham sekularisme/sekularisasi, leberalisme, humanisme sekular (atau humanisme saintifik) atau materialisme, kesejahteraan hanya dilihat dari perspektif fizikal dan kuantitatif. Aspek-aspek psikologikal dalam kesejahteraan, seperti rasa aman, ketenteraman jiwa, bebas dari rasa takut dan gelisah tidak dikaitkan dengan pengaruh dari luar alam tabi'i. Manusia tanpa bantuan dari Tuhan dirasakan dapat menimbulkkan keadaan-keadaan dalaman yang menyenangkan itu dengan merubah sikap-sikap dan kebiasaan-kebiasaan mereka sahaja. Di dalam ajaran Al-Qur'an, manusia memang dapat — malah disuruh — menim-

bulkan keadaan-keadaan itu dengan mematuhi kaedah-kaedah yang ditetapkan oleh Allah, tetapi apabila ternyata bahawa manusia sedang berikhtiar merubahkannya ke arah yang baik, Allah akan memberi pertolongannya (*nasr Allah*) (Al-Qur'an, 3:123; 9:25; 21:27; 40:51; 3:160; 47:7; 22:40; 2:214; 3:126; 30:47; 61:13; 110:1; 3:13; 8:62; 22:39; 3:150) dan perlindunganNya (*wilayah Allah*) (Al-Qur'an 2:148; 120; 257; 4:45; 123; 7:196; 41: 46; 18:44; 8:40; 22:78; 3:150; 22:78; 3:150; 11:78) dengan cara-cara yang kadang-kadang di luar dugaan manusia (*min hai-thu la yah tasib*) (Al-Qur'an, 65:3; 59:2; 39:47);

Menurut Al-Qur'an, di antara bentuk-bentuk ujian yang akan dialami oleh manusia ialah keadaan ketakutan (*khauf*), bimbang (*huzn*) kelaparan (*ju'*) dan kemerosotan dalam harta benda (*naqs al-amwal*) (Al-Qur'an, 2:155). Tetapi sesiapa yang mengikuti petunjuk-petunjuk Allah tidak perlu merasa takut dan bimbang (Al-Qur'an, 2:38). Malah apabila manusia benar-benar beriman kepada Allah dan beramal saleh, Allah akan menukarkan keadaan-keadaan yang ditakuti itu kepada keadaan-keadaan yang menyenangkan. Satu contoh daripada Al-Qur'an ialah maksud ayat:—

“Dan Allah telah berjanji kepada orang-orang yang beriman di antara kamu dan mengerjakan amal-amal yang saleh bahawa Dia, sungguh-sungguh akan menjadikan mereka berkuasa di bumi, sebagaimana Dia telah menjadikan orang-orang yang sebelum mereka berkuasa dan sungguh Dia akan meneguhkan bagi mereka agama yang dikehendakinya untuk mereka, dan Dia benar-benar akan menukar keadaan mereka sesudah mereka berada dalam ketakutan menjadi aman sentosa. Mereka tetap mengabaikan diri kepadaKu dengan tiada mempersekutukan

sesuatu apapun dengan Aku”..
(Al-Qur'an, 24:55)

Allah juga berkuasa memasukkan rasa takut ke dalam hati manusia tertentu, seperti yang tersebut di dalam ayat:—

Dan barangsiapa berpaling dari peringatanKu, maka sesungguhnya baginya penghidupan yang sempit, dan Kami akan menghimpunkannya pada hari Kiamat dalam keadaan buta.

“Akan Kami masukkan ke dalam hati orang-orang kafir rasa takut (*ar-ru'b*) disebabkan mereka mempersekutukan Allah....”

(Al-Qur'an, 3:151)

Dia juga yang memberikan ketenangan jiwa kepada mereka-mereka yang sedang gelisah atau resah:—

“Dialah yang telah menurunkan ketenangan (*as-sakinah*) ke dalam hati orang-orang Mukmin supaya keimanan mereka bertambah di samping keimanan yang sedia ada. Dan kepunyaan Allahlah tertera langit dan bumi dan adalah Allah Maha Mengetahui lagi Maha Bijaksana”.

(Al-Qur'an, 48:4)

Adakalanya Allah menimbulkan rasa santun dan kasih sayang dalam hati manusia yang mengikuti bimbangannya;—

“... dan Kami jadikan dalam hati orang-orang yang mengikutinya rasa santun dan kasih sa-

yang.

(Al-Qur'an, 57:27)

Untuk orang-orang yang beriman yang sebelumnya berada dalam keadaan permusuhan, Allah mewujudkan rasa persaudaraan dan kelapangan dada terhadap satu sama lain:—

“Dan berpeganglah kamu semuanya kepada tali (agama) Allah, dan ingatlah akan nikmat Allah kepadamu ketika kamu dahulu (masa Jahiliyyah) bermusuhan-musuhan, lalu menjadikan kamu bersaudara kerana nikmat Allah; dan kamu telah berada di tepi jurang neraka, lalu Allah menyelamatkan kamu daripadanya”.

(Al-Qur'an, 3:103)

Suasana aman (*amn*), suasana kasih sayang (*rahmah*), suasana persaudaraan (*ukhuwwah*), ketenangan (*sakinah*), keadaan ketiadaan ketakutan (*khauf*) dan kebimbangan (*huzn*) adalah sebahagian daripada unsur-unsur kesejahteraan (*falah*) kehidupan manusia dan Al-Qur'an menunjukkan bahawa ianya bukan seratus peratus hasil daripada usaha manusia. Ia wujud sebagai balasan segera Allah kepada manusia-manusia yang melakukan perbuatan-perbuatan yang dikehendakinya, balasan mana, dalam banyak hal, melebihi apa yang sepatutnya diperolehi dari sekian banyak usaha manusia. Ini terbit daripada sifat Maha Penyayang (*Ar-Rahman*) Allah. Kerana sifat inilah Allah telah memberikan kepada manusia nikmat-nikmat yang begitu banyak sehingga manusia tidak mampu menghitungnya satu persatu, sebagaimana dinyatakan di dalam ayat yang berikut:—

“Dan dia telah memberikan kepadamu segala apa yang kamu minta, dan sekiranya kamu menghitung nikmat Allah, tidaklah dapat kamu menghitungkan-

nya. Sesungguhnya manusia itu sangat zalim dan sangat mengingkari nikmat Allah”.

(Al-Qur'an, 14:34).

Sebagai tanda sifat kemurkaan Allah terhadap manusia dan juga tanda betapa mulianya manusia di sisi Allah, seluruh isi alam ini disediakan untuk kegunaan manusia:-

“Dan Dia menundukkan untukmu (wahai manusia) apa yang

jadi hamba kepada syaitan dan hawa nafsu; ada yang menggunakan kelebihan-kelebihan yang diberikan Allah itu untuk mengeksploitasi dan memeras orang-orang yang lemah. Sifat-sifat seperti ini dinamakan oleh Allah (s.w.t.) sebagai “kezaliman terhadap diri sendiri” (*zulm an-nafs*). Firman Allah yang bermaksud:-

“... barangsiapa melanggar ketentuan-ketentuan Allah, maka



Nikmat Allah yang melimpah-lempah haruslah disyukuri.

ada di langit dan apa yang ada di bumi semuanya (sebagai satu rahmat) daripadanya. Sesungguhnya pada yang demikian itu benar-benar terdapat tanda-tanda kekuasaan Allah bagi kaum yang berfikir”.

(Al-Qur'an, 45:13. Lihat juga 14:32; 33; 1; 16:12; 22:65; 31:20; 45:12).

Walaupun nikmat Allah untuk manusia begitu besar, namun banyak manusia yang tidak mau bersyukur kepada Allah. Di antara mereka ada yang mengingkari kekuasaan Allah samasekali; ada yang sewenang-wenangnya melanggar ketentuan-ketentuan Allah; ada yang mempersekutukan benda-benda lain dengan Allah; ada yang lupa dajaran dalam kemewahan dan men-

sesungguhnya dia telah berbuat zalim terhadap dirinya sendiri. . .

(Al-Qur'an, 65:1).

Kezaliman yang leluasa dalam masyarakat, menurut Al-Qur'an biasanya mengundang balasan Allah di dunia lagi, walaupun dalam banyak hal Allah menangguhkan masa tu-runnya balasan itu kepada saat-saat yang terakhir. Di dalam Al-Qur'an banyak sekali diceritakan kesah-kesah perseorangan, kaum, negeri, bangsa dan tamaddun yang ditimpa balasan yang ngeri di dunia lagi akibat daripada sifat-sifat mereka melampaui batas-batas kesopanan sebagai hamba Allah yang durhaka. Ayat-ayat berikut akan menunjukkan sebab-sebab kehancuran bangsa-bangsa dan negeri-negeri zaman

lampau, di samping menjelaskan bahawa kesejahteraan yang berte-rusan tidak akan tercapai selagi manusia atau kelompok atau masyarakat tidak mematuhi metodologi *Al-Falah* yang tersebut di atas. Ia juga akan memberi kefahaman kepada kita bahawa kesenangan hidup kebendaan yang tidak diwarnai oleh nilai-nilai lambat laun kesenangan yang “*secularized*” itu akan mencetuskan beberapa masalah besar dalam masyarakat sehingga melayakannya untuk ditimpa azab Allah di dunia —baik dalam bentuk fizikal atau dalam bentuk psikologis.

Oleh yang demikian, orang-orang Islam — secara perseorangan, keluarga, bangsa atau negara — diingatkan oleh Allah supaya jangan mudah terpengaruh dengan “kemajuan” yang dicapai oleh orang-orang yang menzalimi diri sendiri, melanggar batas-batas hukum Allah, mempersekutukan Allah dan membelakangkan agama Allah. Kemajuan dan pembangunan yang dituntut oleh Islam hendaklah memenuhi syarat-syarat untuk mencapai *al-Falah* iaitu antara lain (1) Kesepaduan dan kesatuan rohani-rohani dan (2) keutamaan nilai-nilai rohani-akhlaq yang tertentu dalam mencorak-warnakan aspek-aspek kebendaan. Cuba kita fikirkan secara serius peringatan-peringatan Allah:—

(A) Tentang bagaimana kebinasaan adalah akibat daripada perbuatan-perbuatan manusia sendiri:—

“Telah menjadi nyata ke-rosakan di darat dan di laut disebabkan oleh perbuatan tangan manusia. Supaya dengan itu Allah menjadikan mereka merasakan sebahagian dari akibat perbuatan mereka, agar mereka kembali (ke jalan yang benar).

(Al-Qur'an, 30:41).

2. "Dan belanjakanlah (hartabendamu) pada jalan Allah dan janganlah kamu menjatuhkan dirimu sendiri ke dalam kebinasaan, dan berbuat baiklah, kerana sesungguhnya Allah menyukai orang-orang yang berbuat baik".

(Al-Qur'an, 2:195).

- (B) Tentang kezaliman — iaitu sebarang pelanggaran terhadap ketentuan-ketentuan Allah baik dalam diri sendiri atau di luar diri — sebagai sebab Allah membinasakan kaum-kaum terdahulu seperti kaum Nabi Nuh, kaum Nabi Lut, kaum Nabi Musa, kaum Ad dan Thamud dan kaum Fir'aun.

"... Dan tidak pernah Kami membinasakan kota-kota kecuali penduduknya dalam keadaan melakukan kezaliman".

(Al-Qur'an, 28:59).

2. "Dan Tuhanmu sekali-kali tidak akan membinasakan negeri-negeri kerana satu perbuatan kezaliman (sahaja), kalau penduduknya ialah orang-orang yang melakukan kebaikan".

(Al-Qur'an, 11:117).

3. "... Tidak akan dibinasakan sesuatu kaum melainkan ia melanggar perintah-perintah Allah".

(Al-Qur'an 46:35).

4. "Sesungguhnya Kami telah menghancurkan generasi-generasi sebelum kamu apabila mereka telah melakukan kezaliman".

(Al-Qur'an, 10:13; Lihat juga 17:17; 19:74; 20:128 32:26; 36:31; 26:208; 77:16; 6:47).

- (C) Tentang cara penggunaan (*consumption*) ekonomi yang tidak adil, boros, menunjukkan dan menekankan kesenangan kebendaan sahaja yang membawa kepada kehancuran bangsa.

Dan Allah telah berjanji pada orang-orang yang beriman di antara kamu dan mengerjakan amal-amal yang salih bahawa Dia, sungguh akan menjadikan mereka berkuasa di bumi

1. "... Dan orang-orang yang zalim hanya mementingkan kenikmatan yang mewah yang ada pada mereka, dan mereka adalah orang-orang yang melakukan dosa".

(Al-Qur'an, 11:116).

2. "Dan berapa banyaknya (penduduk) negeri yang telah Kami binasakan, yang sudah bersenang-senang dalam kehidupannya; maka itulah tempat kediaman mereka yang tiada di diami lagi sesudah mereka, kecuali sebahagian kecil, dan Kami adalah Pewarisnya".

(Al-Qur'an, 28:58).

3. "Dan bila Kami memutuskan untuk membinasakan suatu negeri, maka Kami perintahkan kepada orang-orang yang hidup mewah di negeri itu (supaya mentaati Allah) tetapi mereka

melakukan kedurhakaan dalam negeri itu, maka kemudian Kami hancurkan negeri itu sehancür-hancürnya".

(Al-Qur'an, 17:16).

4. "Qarun (seorang yang kaya raya di zaman Nabi Musa) berkata: "Sesungguhnya aku didatangkan harta itu kerana pengetahuan yang ada padaku". Apakah ia tidak mengetahui bahawasanya Allah telah membinasakan umat-umat sebelumnya yang lebih kuat daripadanya dan lebih banyak mengumpulkan harta? ...

(Al-Qur'an, 28:78).

"Maka keluarlah Qarun kepada kaumnya dalam kemegahannya. Berkatalah orang-orang yang menghendaki kehidupan dunia: 'Moga-moga kita juga mempunyai seperti apa yang telah diberikan kepada Qarun. Sesungguhnya ia benar-benar mempunyai keuntungan yang besar'".

(Al-Qur'an, 28:79).

"Maka Kami benamkanlah Qarun beserta rumahnya ke dalam bumi. ..."

(Al-Qur'an, 28:81).

"Maka mulailah berkata orang-orang yang kalmarin mencita-citakan kedudukan Qarun itu: 'Aduhai, benarlah bahawa Allah melapangkan rezeki dan menyempitkannya bagi siapa yang Dia kehendaki dari hamba-hambanya. Kalau Allah tidak melimpahkan kurniannya ke atas kita nescaya Dia akan membenamkan kita (pula). Aduhai, benarlah bahawa orang-

orang yang mengingkari Allah tidak akan mendapat kesejahteraan”.

(Al-Qur'an, 28:82).

5. “. . . Dan ada umat-umat yang Kami beri kesenangan pada mereka (dalam kehidupan dunia), kemudian mereka akan ditimpa azab yang pedih dari Kami”.

(Al-Qur'an, 15:18).

- (D) Tentang betapa perlunya kesenangan hidup kebendaan dijiwai oleh rasa syukur kepada Allah untuk menjamin bertesurnya nikmat Allah.

“Dan Allah telah membuat satu perumpamaan (dengan) sebuah negeri yang dahulunya aman lagi tenteram, rezekinya datang kepadanya melimpah ruah dari segenap tempat, tetapi (penduduknya) mengingkari nikmat-nikmat Allah. Kerana itu Allah merasakan kepada mereka pakaian kelaparan dan ketakutan, disebabkan apa yang selalu mereka perbuat”.

(Al-Qur'an, 16:112).

- (E) Tentang sifat-sifat kekufuran, keangkuhan, materialisme dan *shirk* (mempersekutukan Tuhan) yang mengakibatkan kebinasaan di atas kesenangan.

“Dan dia (seorang kafir yang kaya) mempunyai kekayaan besar, maka ia berkata kepada kawannya (yang beriman kepada Allah). . .” Hartaku lebih banyak daripada hartamu dan pengikut-pengikutku lebih kuat”.

(Al-Qur'an, 18:34).

2. “Dan dia memasuki ke-

bunnya sedang dia berlaku zalim terhadap dirinya sendiri sambil berkata: ‘Aku tidak fikir yang kebun ini kan binasa sampai bila-bila masa”.

(Al-Qur'an, 18:35).

3. “Dan aku tidak fikir hari kiamat itu akan datang. . .”

(Al-Qur'an, 18:36).

Menurut Al-Quran, di antara bentuk-bentuk ujian yang akan dialami oleh manusia ialah keadaan ketakutan, bimbang, kelaparan dan kemerosotan dalam harta benda.

4. “Kawannya (yang beriman) itu berkata kepadanya. . . ‘Apakah kamu fikir terhadap Dia yang menjadikan kamu dari tanah. . . lalu Dia menjadikan kamu seorang laki-laki yang sempurna?”

(Al-Qur'an, 18:37).

5. “Tetapi aku (percaya bawa) Allah Tuhanku, dan aku tidak mempersekutukan seorang pun dengan Tuhanku”

(Al-Qur'an, 18:38).

6. “Dan mengapa kamu tidak mengatakan waktu kamu memasuki kebunmu ‘Beginilah sesuatu yang dikehendaki oleh Allah, tidak ada kekuatan kecuali dengan pertolongan Allah. . .”

(Al-Qur'an, 18:39).

7. “Dan harta kekayaan

(orang yang kafir itu) dibinasakan. Lalu ia membulak-balikkan kedua tangannya (tanda menyesal) dan dia berkata, ‘Aduhai alangkah baiknya kalau dulu aku tidak mempersekutukan seorang pun dengan Tuhanku”.

(Al-Qur'an, 18:42).

- (F) Tentang penanggungan azab Allah untuk memberi peluang-peluang manusia melihat kesan-kesan buruk dari kedurhakaan mereka, semoga dengan itu manusia akan mengikuti jalan Allah.

1. “Dan berapalah banyaknya kota yang Aku tangguhkan (azabKu) kepadanya, yang penduduknya berbuat zalim; kemudian Aku azabkan mereka, dan hanya kepadaKulah kembalinya segala sesuatu”.

(Al-Qur'an, 22:48).

2. “Dan kalau sekiranya Allah ingin menyegerakan balasan buruk bagi manusia seperti permintaan mereka untuk menyegerakan kebaikan, nescaya di tamatkan riwayat mereka.

(Al-Qur'an, 10:11)

- (G) Tentang kesenangan kebendaan yang tidak harus dicontohi oleh orang-orang yang beriman kepada Allah kerana kesenangan yang membelakangkan tuntutan rohani-moral manusia akan membawa kepada kebinasaan di dunia dan di akhirat.

1. “. . . Dan orang-orang yang kafir itu bersenang-senang (di dunia) dan mereka makan seperti makannya binatang-binatang. Dan mereka adalah tempat tinggal mereka”.

(Al-Qur'an, 47:12)

2. “Dan janganlah kamu tujukan

kedua matamu kepada apa yang telah Kami berikan kepada golongan-golongan dari mereka (yang mengingkari Ku) sebagai bunga kehidupan dunia untuk Kami cubai mereka dengannya. Dan pemberian Tuhan kamu adalah lebih baik dan lebih kekal”.

(Al-Qur'an, 20:131)

“Allah meluaskan dan menyempitkan pemberianNya bagi siapa yang Dia kehendaki. Dan mereka (yang ingkar kepada Allah) bergembira dengan kehidupan dunia, padahal kehidupan dunia itu (dibandingkan dengan) kehidupan akhirat hanyalah kesenangan yang sementara”.

(Al-Qur'an, 13:26)

4. “Katakanlah: ‘Kesenangan keduniaan hanya sebentar. Sedangkan kesenangan akhirat itu lebih baik untuk orang-orang yang bertaqwa dan kamu tidak akan dianiaya sedikitpun”.

(Al-Qur'an, 4:77)

PENUTUP

Keterangan-keterangan di atas memberikan alasan-alasan yang amat kuat kepada peribadi yang meyakini untuk berwaspada dalam sebarang usaha ke arah meniru pola perekonomian dan pembangunan sosio-ekonomi yang bersifat sekular, liberal, materialistik atau atheistik. Ia tidak akan mudah terpedaya dengan konsep kemajuan yang dualistik — iaitu yang memisahkan kemajuan ekonomi daripada nilai-nilai akhlak dan keperluan-keperluan rohaniah. Ia akan melibatkan diri dalam usaha meninggikan taraf hidup dan dalam kegiatan-kegiatan ekonomi dengan memperhitungkan suruhan-suruhan dan larangan-larangan Allah. Kegiatan-kegiatan ekonomi yang melibatkan

barang-barang dan cara-cara yang diharamkan oleh Allah, walaupun mendatangkan keuntungan kewangan, tidak akan diceburinya kerana takutkan azab Allah di dunia dan lebih-lebih lagi di akhirat.

Kezaliman yang leluasa dalam masyarakat, menurut Al-Quran biasanya mengundang balasan Allah di dunia lagi, walaupun dalam banyak hal Allah menanggukhan masa turunya balasan itu kepada saat-saat terakhir.

Barangan-barangan penggunaan ‘atau (*consumer goods*) yang dicarinya ialah yang penggunaannya akan membawa kepada kebaikan fizikal-moral-rohani si pengguna — kepada *al-Falah*. Barangan yang diharamkan seperti minuman keras, dadah, babi, patung-patung berhala tidak akan dijadikan objek-objek pemilikan atau perdagangan. Cara-cara mendapat harta atau keuntungan kewangan yang ditegah oleh Islam dijauhinya, seperti semua jenis perjudian, pelacuran dan semua jenis penyalahgunaan seks untuk kepentingan ekonomi yang berlaku dalam pengiklanan, kelab-kelab malam, rumah urut, penthouse dan berbagai kegiatan menggalakkan pelancongan, yang dilarang oleh Islam. Semua jenis rasuah dan tipu muslihat untuk mendapat keuntungan; sistem kredit yang berteraskan *riba*; semua jenis persaingan yang tidak adil termasuk monopoli barang-barang dagangan untuk menguasai pasaran secara tidak adil dan semua jenis pemerasan dan eksploitasi pihak pemodal terhadap para pengguna. Sistem nilai dan norma Islam

bukan sahaja menghendaki supaya penganut-penganutnya menjauhi daripada cara-cara di atas; malah ia menuntut supaya cara-cara itu dibasmikan, selaras dengan norma Islam yang pokok itu *al-amr bi'l-ma'ruf wan'n-nahy 'an al-munkar*. Dalam pandangan Islam pihak yang berkuasa bertanggungjawab terlebih dahulu menghapuskan cara-cara yang tidak menjamin *al-Falah* itu. Walau bagaimanapun orang-orang Islam dituntut mencari jalan untuk mencegah semua bentuk kemungkaran dan kezaliman dalam masyarakat. Di antara hadith Nabi mengenai kewajipan kemasyarakatan ini ialah:—

“Bila orang melihat seorang yang menzalimi orang lain dan tidak cuba mencegah kezaliman itu, besar kemungkinan yang Allah akan memasukkan semua orang ketika Ia menurunkan balasanNya”.

(Abu Da'ud, *As-Sunan, 'Kitab al-Malahim' Bab al-amr wa'n-nahy*".)

2. “Sebuah masyarakat, yang didalamnya terdapat sebahagian orang melakukan dosa tetapi yang lain tidak cuba mencegah perbuatan itu padahal mereka berupaya berbuat demikian, akan mengundang balasan Allah yang akan menimpa semua orang”.

(Ibid.)

3. “Allah tidak akan mengenakan azabNya kepada sesuatu kaum kerana kemungkaran-kemungkaran yang dilakukan oleh beberapa orang daripadanya, sehingga kaum itu menjadi acuh tak acuh dan tidak mencegah perbuatan orang-orang yang melakukan kemungkaran, walaupun ia berkuasa berbuat demikian”.

(Al-Khatib al-Umari, *Al-Miakkat, 'Bab al-amr bil'l-ma'ruf'*.)